



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH», broj: 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH», broj: 96/13 i 89/16), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU **LISTE ZA BUGOJNO**

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole	4
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	5
5.1. NALAZI.....	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Liste za Bugojno za 2015. godinu.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2015. godinu, utvrđeno je da je Lista za Bugojno prekršila odredbe člana 11. i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja Liste za Bugojno, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Liste za Bugojno za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Lista za Bugojno se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	284,00	1,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	28.060,00	99,00
8.	Prihodi od propagande (3-g)	0,00	0,00
9.	Ostali prihodi	0,00	0,00
I	Ukupni prihodi (1-9)	28.344,00	100,00
II	Kreditno zaduženje kod banaka	0,00	0,00
	Izvori finansiranja (I+II)	28.344,00	100,00

U godišnjem finansijskom izvještaju za 2015. godinu Lista za Bugojno je iskazala rashode u iznosu od 29.835,20 KM.

2. PREDSTAVLJANJE POLITIČKE STRANKE

Naziv političke stranke: Lista za Bugojno.

Lista za Bugojno je registrovana kod Općinskog suda u Travniku, rješenjem broj: 051-0-F1-12-000003 od 23.05.2012. godine.

Sjedište stranke je u Bugojnu, Nugle II bb (JU KSC).

Lica ovlaštena za zastupanje stranke su: Nihad Ćurić, predsjednik, Amir Basarić, predsjednik Skupštine, Emir Muftić, zamjenik predsjednika i Besim Cetin, sekretar.

Lice ovlašteno za podnošenje finansijskih izvještaja za 2015. godinu je Nihad Ćurić.

Prema podacima iz godišnjeg finansijskog izvještaja za 2015. godinu, Lista za Bugojno nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Liste za Bugojno za 2015. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Lista za Bugojno u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena

kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Liste za Bugojno obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju izvršila je reviziju i pregled finansijskih izvještaja za 2012., 2013 i 2014. godinu Liste za Bugojno, nakon čega su izdati izvještaji o reviziji i pregledu sa mišljenjem revizora i nalazima revizije.

Nakon izvršenog pregleda za 2014. godinu, Služba za reviziju je izdala Izvještaj o pregledu godišnjeg finansijskog izvještaja Liste za Bugojno sa mišljenjem revizora, nalazima revizije i preporukama stranci da vodi tačne i potpune evidencije o svojim rashodima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka, da poštuje i druge zakone, prevashodno računovodstvene i poreske i da dostavlja dodatnu dokumentaciju koju od nje zatraži Centralna izborna komisija BiH.

Nerealizovane preporuke:

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Lista za Bugojno nije ispoštovala date preporuke.

5. NALAZI I PREPORUKE REVIZIJE

5.1. NALAZI

a) Lista za Bugojno prekršila je odredbe člana 11¹. i člana 12. stav (1)² i stav (3)³ Zakona o finansiranju političkih stranaka.

Na osnovu obavljenog pregleda, utvrđeno je da Lista za Bugojno u poslovnim knjigama nije evidentirala sve rashode i obaveze niti je obrasce godišnjeg finansijskog izvještaja za 2015. godinu popunila u skladu sa Pravilnikom o godišnjim finansijskim izvještajima političkih stranaka-u daljnjem tekstu: Pravilnik, čime su prekršene odredbe člana 11. i člana 12. stav (1) i stav (3) Zakona o finansiranju političkih stranaka.

Politička stranka nije pravilno vodila poslovne knjige, odnosno nije troškove evidentirala u skladu sa propisanim kontnim planom, što za rezultat ima pogrešno iskazane troškove u obrascu 4.1 godišnjeg finansijskog izvještaja. Stranka je u poslovnim knjigama i obrascu 4.1 sve troškove iskazala na šest konta, tako da su troškovi zakupa iskazani na kontima usluga i ostalih rashoda, troškovi prevoza i goriva kao putni troškovi i slično.

(1) Lista za Bugojno nije u skladu sa poreskim propisima obračunala i uplatila porez na dohodak i pripadajuće doprinose na naknade isplaćene volonterima, te na sredstva isplaćena fizičkim licima na ime humanitarne pomoći.

¹ Politička stranka dužna je da vodi poslovne knjige i podnosi finansijske izvještaje na način koji je utvrđen zakonom i drugim propisima u skladu sa zakonom.

² Politička stranka vodi evidenciju o svojim prihodima i rashodima.

³ Do 31. marta naredne godine politička stranka podnosi finansijski izvještaj u formi koju odobri Centralna izborna komisija BiH.

Kontrolom dodatne finansijske dokumentacije utvrđeno je da je Lista za Bugojno na osnovu pojedinačnih odluka iz 2015. godine isplatila jednokratne humanitarne pomoći za dvadesetšest fizičkih lica u ukupnom iznosu od 5.946,20 KM, kao i da je tokom godine, na osnovu pojedinačnih odluka, izvršila isplatu pomoći fizičkim licima za sufinansiranja školovanja, kupovine lijekova i troškove prevoza, u ukupnom iznosu od 5.269,57 KM. Ukupan iznos isplata po navedenim osnovama iznosi 11.215,77 KM.

Lista za Bugojno je na osnovu pojedinačnih odluka donesenih tokom 2015. godine, izvršila isplatu naknada za četiri (4) volontera u ukupnom iznosu od 1.300,00 KM, te naknade za pomoć oko izrade i pripreme magistarskog rada za dva lica u ukupnom iznosu od 420,00 KM.

Obzirom da sredstva isplaćena fizičkim licima imaju karakter ličnih primanja, Lista za Bugojno je imala obavezu da, u skladu sa poreskim propisima, na sva isplaćena sredstva fizičkim licima, obračuna i uplati poreze i doprinose.

- (2) Politička stranka je u obrascu 3. (izvori finansiranja) iskazala priloge fizičkih lica u iznosu od 284,00 KM. Uvidom u poslovne knjige, utvrđeno je da je stranka povrat priloga od Demokratske fronte u iznosu 275,00 KM⁴ iskazala kao priloge fizičkih lica, čime je prekršila odredbe člana 13. i 14. Pravilnika.
- (3) Stranka je na obrascu 4.1(režijsko-administrativni i ostali troškovi) godišnjeg finansijskog izvještaja iskazala troškove zakupnine po osnovu ugovora o zakupu sa JU „Kulturno – sportski centar“ Bugojno⁵ kao usluge i ostale rashode u iznosu od 1.803,24 KM. Stranka je po osnovu ugovora o zakupu koristila prostorije, površine 12m² sa mjesečnim zakupom od 129,04 KM, što za 2015. godinu iznosi 1.548,48 KM. Služba za reviziju utvrdila je da je stranka troškove iskazala u momentu plaćanja obaveze, što nije u skladu sa računovodstvenim propisima.

5.2. PREPORUKE

Preporučuje se Listi za Bugojno da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da poslovne knjige vodi u skladu sa računovodstvenim propisima, odnosno da vodi tačne i potpune evidencije o svojim prihodima i rashodima,***
- ***da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i***
- ***da poštuje računovodstvene i poreske zakone.***

Komentar:

U ostavljenom roku, Lista za Bugojno nije dostavila primjedbu na Preliminarni izvještaj o pregledu godišnjeg finansijskog izvještaja za 2015. godinu.

Pomoćnik revizora

Mr.sc. Goran Cicović

šef Službe za reviziju

Mr. sc. Hasida Gušić

⁴ U toku 2013. godine Lista za Bugojno je dala prilog Demokratskoj fronti. Demokratska fronta je izvršila povrat priloga u skladu sa preporukom Službe za reviziju.

⁵ Lista za Bugojno je dostavila ugovor o zakupu poslovnog prostora broj: 02.7-333/14 od 30.12.2014. godine sa JU „Kulturno-sportski centar“ Bugojno koji je važio godinu dana i odnosio se na period korišćenja od 01.01.2015. do 01.01.2016. godine.